

Au nom de n(ot)re seigneur amen a tous ceulx qui ces p(re)se)ntes lectres verront nous garde du seel commun royal estably aux contractz es bailliage de mascon et seneschaulcee de lyon / scavoir faisons que pardevant andre gayet notaire et tabellion royal et greffier de saint cire au mont d()or dessoubz signe et en la p(re)se)nce des tesmoingtz cy apres nommez estably et constitue en sa personne honneste homme francoys guet tailleur de pierres dud(it) lieu et parroisse de saint cire / sain de sa pensee memoyre et entendement considerant qu()il n()est chose plus c(er)taine que la mort nemoingtz incertaine que l()heure d()icelle mort doubtant le peril de mort a ce qu()il ne decedde sans tester et ordonner de ses biens que dieu luy a donne / par quoy a la louange de dieu le createur de la glorieuse vi(e)rg(e) marie sa mere et de tous les saintz et saintes de paradis il dispose et ordonne de tous et chascuns sesd(its) biens meubles et immeubles presans et advenir quelconques et a fait son testament nuncupatifz par escript en la forme et maniere que s()ensuict premierem(en)t ledict testateur a fait le signe de la croix disant au nom du pere du filz et du benoist saint esperit amen et recommande son ame quand elle sera separee de son corps a dieu le createur a()la vi(e)rg(e) marie sa mere et a tous les saintz et saintes de paradis comme dessus / item ledict testateur veult et ordonne que ses faitz funeraulx legatz et debtes soyent payez sommairement et de plain sans figure de proces item ledict testateur veult et ordonne que le jour de son deces et trespas estre dictes et celebrees en l esglise parrochial dudict saint cire trente messes des trespases pour le salut et remede de son ame et de tous ses parans et amys predecédez assavoir le jour de son enterrement quinze messes des trespases ou bien le lendemain et l an revollu a semblable jour de sondict trespas aultres quinze messes des trespases et veult estre paye pour ch(ac)une desd(ites) messes comme et ainsi qu()il est de coustume aud(it) lieu de saint cire par ses heritiers universelz dessoubz nommez / item veult et ordonne ledict testateur que ung chascun jour de dhymenche apres sondict deces et trespas estre dict et celebre par le cure dud(it) lieu ou ses vicaires apres la premiere messe [par]rochiale sur son tombeau qui sera dans le cueur de l esglise [p]arrochial dudict saint cire ung salve avec l()oraison commençant et pour ce et affin que led(it) cure permecte sondict corps estre ensevelly et ensepulture dans le cueur de lad(ite) esglise parrochial dud(it) saint cire comme dict est led[ic]t testateur veult estre paye par ses her(itier)s universels audict cure et a ses successeurs advenir en lad(ite) cure ch[aque] an a()une chascune feste nativite n(ot)re seigneur dix solz tournoys d()annuelhe et perpetuelle pension poyables tous les ans a()ch(ac)une feste na(tivi)te nostre s(eigneu)r le premier paiement a la [pro]ch[ain]e lors feste no(tr)e s(eigneu)r apres le deces dudict testateur et ainsi tous les ans perpetuellement et laquelle pension de dix solz tour(nois) led(it) testateur impose et assette au prouffict dudict cure et de ses successeurs a l()advenir en lad(ite) cure sur tous et chascuns ses biens meubles et immeubles p(re)se)ns et advenir quelzconques et sur une ch(ac)une part membre ou partie d iceulx a quelques tenementiers qu()ilz puyssent estre et devenir a()l()advenir item donne et legue led(it) testateur et par droit d()institution et legat allaisse et laisse ensemble et pour une foys a pheliberte clerc sa cousine dix livres to(u)nois laquelle somme ledict testateur veult et entend estre payee sur ses biens par ses her(itier)s universelz dessoubz nommez deux ans apres son deces et trespas et ce pour tous les droitz noms et actions part pourtion quarthe trabellianicque legictime et aultres quelzconques droitz et reclama(ti)ons qu()elle pourroit avoir et pretendre oures ou pour l()advenir es biens hoyerie et succession dud(it) testateur en la faisant en ce et instituant son her(itier)e particuliere / item led(it) testateur donne et legue et par droit d()institution et legat allaisse et laisse ensemble et pour une foys [a] humber guet son nepveu tailleur de pierres demeurant au lieu de saint didier aud(it) mont d()or la somme de cinq livres tour(nois) poyables lad(ite) somme de cinq livres tour(nois) aud(it) humber guet par ses he(ritier)s universels deux ans apres son deces et trespas a compter du jour et datte d()icelluy et ce pour tous les droitz noms et actions part pourtion quarthe trabellianicque legictime succession et aultres quelconques droitz et reclama(ti)ons qu()il pourroit avoir et pretendre oures ou pour l advenir es biens hoyerie et succession dudict testateur en le faisant en ce et instituant son her(itier) particulier de plain droit item icelluy testateur veult entend et ordonne que jaquemette ferlat sa belle mere et francoyse clerc sa belle soeur lesquelles sont a p(re)se)nt demoura(n)s et residans en la maison d()habita(ti)on dud(it) testateur et de ses consorts soyent nourriez et entretenues bien et honnestement de bouche et vestemens sellon leur quallite par ses her(itier)s universelz sur ses biens en sadicte maison leur vie naturelle durant et tant qu()elles voudront demeurer et faire leur residence en sad(ite) maison d()habita(ti)on item donne et legue led(it) testateur et par droit d()institution et legat a dellaisse et delaisse ensemble et par une foys a tous ses aultres parans et amys qui voudroyent avoir et pretendre aulcung droit et action sur ses biens a ch(ac)un d()eulx cinq solz tour(nois) poyables par ses heritiers universels dessoubz nommez un an apres son deces et trespas et ce pour tous droitz noms et actions qu()ilz pourroyent avoir et pretendre sur ses biens en quelque part qu()ilz soyent scituez et assiz et en ce les fait her(itier)s particuliers de plain droit **au residu de tous** et ung chascuns ses biens meubles et immeubles p(re)se)ns et advenir quelzconques qu()il n a dessus donnez ny leguez donnera ny leguera a par cy apres paciffiez (*sic*) premierement ses faitz funeraulx debtez et legatz revocques aussi tous aultres testemens coddicilles et donations si aulcungs en a fait par cy devant par escript ou autrement ledict testateur fait et institue ses heritiers universaulx et les nomme de sa propre bouche assavoir bartholomee clerc sa femme pour ung tiert estienne clerc son cousin pour ung aultre tiertclaud pousson et jehanne clerc sa femme ses cousins pour l aultre tiert et tierce [par]tie a la charge toutesfoys et soubz condiction que ou a()l()advenir lad(ite) bartholomee sadicte femme instituee heritiere pour ung tiert et une tierce partie des biens dudict testateur n aye ung ou plusieurs enffans naturelz et legictimez nez et procrees de vray et loyal mariage que audict cas ledict cas advenant veult entend et ordonne icelluy testateur que lad(ite) tierce [par]tie de biens cy dessus donnee a lad(ite) bartholomee clerc apres son deces et trespas soit et devienne entierement esd(it) estienne clerc pour moitie et esd(its) claud pousson et jehanne clerc sa femme pour l ault(re) moitie et es leurs / voullant et ordonnant led(it) testateur ce p(re)se)nt son testament nuncupatif et ordonnan(ce) de derniere vollonte valloir par droit de testame(n)t nu(n)cupatif et s il ne vault par led(it) droit veult qu()il vaille par droit de testament solempnel redige par escript et s il ne vault par led(it) droit qu()il vaille par droit de donna(ti)on fait en(tre) vifz a cause de mort et par droit de coddicilles et par tous aultres droitz et manieres que myeux il pourra valloir et sortir son effect priant les tesmoingz illec estans que de ceste sienne dernie(re) vollonte ilz soyent raccordz affin qu()ilz en puyssent porter tesmoniage de verite en temps et lieu s()ilz en estoient requis en tesmoingt de quoy nous garde du seel commun royal susd(it) icelluy seel avons fait mettre et appouser a cesd(ites) p(re)se)ntes / faites et donnees audict saint cire en la chambre des maisons d()habita(ti)ons dud(it) testateur dans laquelle il est detenu mallade le vingt huitiesme jour du mois de decembre l an mil cinq cens soixante huit en presence de discreste personne m(aî)tre jehan de lacroix dict guichard p(re)st)bre et cure de l esglise parrochial dudict saint cire laurens falquet cousturier jehan renemier masson jaques bachellu tailleur de pierres habitans dudict saint cire anthoine ferlat aultre anthoine ferbat dict tabuoin anthoine garenjou et claud boucharbet labour(eur)s dud(it) lieu de saint didier tesmoingtz a ce appelez et requis ainsi signe la cedde jehan de la croix dict guichard laurens falquet # commençant *donne [com]me* dessus gayet

Expedie est ce p(re)se)nt testament au prouffict et utilite desd(its) bartholomee clerc estienne clerc et mariez pousson heritiers universelz et de (*illisible*) le [par] moy not(aire) royal soubz(signe)

Gayet